

FJALA E DEPUTETIT EDUARD NDRECA

E MARTË 1 NËNTOR 2022

Së pari, mendoj se i gjithë ky debat që hapëm duhet të kishte nisur me atë që i kërkove zotit Gjokuta, në lidhje me arsyen pse ka ardhur zoti Gjokuta dhe jo drejtori. Pra, ne si anëtarë të komisionit e nisëm mbledhjen, sepse nuk kemi nevojë të kalojmë kufijtë, duke qenë se mund të merrnim një përgjigje, siç e dha zoti Gjokuta. Por përtej kësaj ne kemi një rend ditë, ku thuhet: “E martë, data 1 nëntor, ora 11:00”. Këtë rendin e ditës kush e ka bërë? E kemi bërë ne bashkarisht?

Tani vijmë te pika e seancës dëgjimore me Agjencinë për Mediat dhe Informim për diskutimin në parim të buxhetit të vitit 2023, të ftuar nga ky institucion janë Besmir Gjokutaj. Të lutem, ne kemi këtë rend dite dhe kryetarja thotë që e kemi bërë bashkërisht. Këtu kemi zotin Besmir Gjokutaj dhe zonjën Vjolanda Likaj. Ne nuk kemi arsye të kapërcejmë kufijtë e rendit të ditës. Kështu që, së pari, duhet të kishim pyetur zotërinë se cila është arsyeja, i cili e dha përgjigjen, sepse janë personat e drejtpërdrejtë që lidhen me çështjet e financave në institucionin e tyre dhe, së dyti, kemi një rend ditë. Tani, në rend dite kërkoni të shtoni drejtorin, por ne e kemi rendin e ditës.

Prandaj, të vijojmë dhe pyetjet që kemi, edhe kur personat nuk janë, mund t’ua adresojmë, sepse u shkojnë. Të ftuar në Komisionin e Ligjeve kishim kancelaren e Gjykatës Kushtetuese. Çfarë mund të bënim ne, ta anulonim mbledhjen meqenëse nuk erdhi kryetari i gjykatës Kushtetuese, edhe pse është ai që lidhet drejtpërdrejt me shpërndarjen e buxhetit në Gjykatën Kushtetuese?! Besoj se kjo është non sens, pasi edhe ngarkesat e komisioneve janë të mëdha.